

Vegagerðin, Austursvæði
Búðareyri 11-13
730 Reyðarfjörður

18. desember 2025
UOS2501715/K.K.

Efni: Reglubundið eftirlit þann 30. október 2025 – ID 213

Þann 30. október 2025 fór fram reglubundið eftirlit í Vegagerðin, Austursvæði. Í samræmi við 57. grein reglugerðar nr. 550/2018 um losun frá atvinnurekstri og mengunarvarnaeftirlit, sendist meðfylgjandi eftirlitsskýrsla.

Fimm eldri frávik voru opin þegar eftirlitið fór fram:

1. Frávik frá eftirliti ársins 2016 stendur enn opið varðandi að áfylling flutningsgeyma skuli fara fram á olíuheldu áfyllingarplani með niðurfalli í lægsta punkti sem tengt er olíuskilju. Þar sem áfyllingarplanið stendur innan lekavarnar olíubirgðastöðvarinnar uppfyllir planið kröfuna að vera olíuhelt áfyllingarplan og fráviki því lokað.
2. Frávik í eftirliti árið 2024 frá gr. 2.3 í starfsleyfi. Rekstraraðili skal koma í veg fyrir að geymar yfirfyllist, t.d. með viðeigandi tækjabúnaði og/eða verklagsreglum. Bæði tækjabúnaður og verklagsreglur voru til staðar en nýttust ekki. Í úrbótaáætlun rekstraraðila kemur fram að unnið hafi verið að endurbótum á verklagi og reglum í samráði við öryggisstjóra og verkefnastjóra umhverfismála hjá Vegagerðinni. Gert sé ráð fyrir að endurskoðaðar verklagsreglur liggi fyrir í byrjun febrúar 2025. Þetta hefur hins vegar ekki verið framkvæmt og frávikið stendur því enn.
3. Frávik í eftirliti árið 2024 frá gr. 2.6 í starfsleyfi. Olíuúrgangur stendur í opnu íláti við inngang stöðvarhúss og sullast hefur upp úr því og niður á malarundirlag. Fjarlægja þarf ílátið og koma úrganginum til förgunar á móttökustöð. Í úrbótaáætlun rekstraraðila segir að um sé að ræða olíusmit og afgang úr viðgerðarmalbiki. Verklag um meðhöndlun á viðgerðarmalbiki hafi verið endurbætt til að fyrirbyggja að efnisúrgangur sé skilinn eftir. Rekstraraðili upplýsti þann 18. desember 2025 um að bambar með spilliefnum hafi verið fjarlægðir af svæðinu og fráviki því lokað.
4. Frávik í eftirliti árið 2024 frá gr. 2.6 í starfsleyfi. Skrá skal alla þjálfun starfsmanna í rekstrarhandbók stöðvarinnar. Skráningar um þjálfun eftirlitsmanna voru ekki til staðar og var rekstraraðila bent á að koma upp skráningarblöðum fyrir þjálfun starfsmanna. Í úrbótaáætlun segir að fræðsluskrá sé haldin af fræðslustjóra Vegagerðarinnar ásamt starfsþróunaráætlun. Unnið sé að námskeiði um móttöku og afgreiðslu biks sem

tilbúið verði þegar endurskoðaðar verklagsreglur og vinnulýsing fyrir biktankana verði gefnar út ásamt viðbótum í starfsþróunaráætlun. Þessari vinnu er ekki lokið og því stendur frávikið opið.

5. Frávik í eftirliti árið 2024 frá viðauka I í rg. 884/2017. Olíugeymar og olíulagnir skulu merktar með auðkennum skv. töflu í viðauka I. Engar merkingar sáust, hvorki á geymunum né lögnunum. Í úrbótaáætlun kemur fram að drög að skilgreindum merkingum liggi fyrir og gert sé ráð fyrir að viðkomandi tankar verði merkir í janúar 2025. Rekstraraðili upplýsti þann 18. desember 2025 um að geymar hafi verið merktir og fráviki því lokað.

Ein eldri ábending var opin þegar eftirlitið fór fram:

1. Ein eldri ábending var sett fram um frágang á lausamunum á lóð. Tiltekt hefur farið fram en ekki með fullnægjandi hætti. Talsvert er enn af bömbum og öðru rusli sem ekki á heima inni á lóðinni. Rekstraraðili hefur fjarlægt spilliefni, dælu og smárusl af lóðinni og ábendingu því lokað.
2. Ein ábending var sett í eftirlitinu árið 2024 um að huga þurfi að frágangi á lóðinni að loknum framkvæmdum vegna hreinsunar eftir óhapp við löndun biks. Búið er að hreinsa eftir óhappið og ganga frá lóðinni.

Fjögur frávik komu fram er varða:

1. Gr. 2.4 í starfsleyfi. Virkni olíuskilja skal yfirfarin a.m.k. á sex mánaða fresti. Virkni olíuskiljunnar var síðast yfirfarin árið 2023.
2. Gr. 3.1 í Starfsleyfi. Skrá skal upplýsingar og skulu skráningar gerðar í rekstrarhandbók og vera aðgengilegar eftirlitsaðila. Skráningar eru ekki gerðar fyrir: a) Viðhald, eftirlit og bilanir í mengunarvarnabúnaði, þar með taldar þrær, olíuskiljur og yfirferð á virkni olíuskilja, b) Magn og gerð spilliefna sem skilað hefur verið til móttökustöðvar, Mengunaróhöpp og viðbrögð við þeim.
3. Gr. 8 í reglugerð 884/2017 um varnir gegn olíumengun frá starfsemi á landi. Engir óviðkomandi hlutir skulu vera innan lekavarnar. 13 bambar með úrgangi eru geymdir innan lekavarnarinnar. Bambar með spilliefnum voru fjarlægðir að eftirlitinu loknu og fráviki því lokað.
4. Gr. 13 í reglugerð 884/2017 um varnir gegn olíumengun frá starfsemi á landi. Lokar á löndunarlögnum, undantöppunarlögnum og öðrum olíulögnum sem opnast út í mengunarvarnir í olíubirgðastöðvum skulu ávallt vera lokaðir og læstir þegar þeir eru ekki í notkun. Rekstraraðili gat í eftirlitinu ekki svarað hvort lokinn væri opinn eða lokaður.

Umhverfis- og orkustofnun óskar í því sambandi eftir tímasettri áætlun um úrbætur á framangreindum atriðum í samræmi við 58. grein reglugerðar nr. 550/2018 og að áætlunin berist stofnuninni eigi síðar en 16. Janúar 2026.

Virðingarfyllst,

Kristín Kröyer

Teymi eftirlits

Stella Hrönn Jóhannsdóttir

Teymi eftirlits